

yn der eyn obirschar zwischin der Harten Clufft und andern zugeslagen lehn, dy sy in lehn und gewehren hetten, mit erbetern belegt hette ꝛ. Dorkegen antwert Helffricht von Meckaw, das er das lehn, das man nennet Helffricht von Meckaw lehn, von dem geswornen leyer unser gnedigen herren in lehn empfangen, das jar und tag und lenger in lehn, gewehren und bawlichem berglufftigen  
5 weßen ane der gnanten [ge]werken und yedermans rechtliche ansprache erhalde habe ꝛ. Widder sulche sine antwert setczt Kessler in voller macht der gnanten gewerken sine kegenrede, sagende das yn sulche vorlihunge unschedelich sien sullen, nachdem sy sulchs lehns der obirschar brieff und sigel hetten und in iren maßen gelegen were, mit forderm ynhalde ꝛ.

H. spr. w. n. b. v. r. Ist Helffricht von Meckaw das lehn genand Helffricht von Meckaw  
10 lehn und in sich beslußt dy benante obirschar von dem bergmeister und vorordenten leyer unser gnedigen herren als vor irer gnaden freyes ane alle bedingunge und undirschiet verlihen und had das, so er sich berumet, jar und tag<sup>b)</sup> ane der gnanten gewerken rechtliche ansprache in lehn, gewehren und bawlichem weßen nach berglufftiger gewonheit erhalde und kan das, als recht ist, erweisen, so ist er nehir dorbey zu bleiben, dann yn Kessler in voller macht der gnanten gewerken des mit  
15 siner gesaczten kegenrede vorhindern moge. Vorsigelt<sup>c)</sup> mit unserm stadsecret und gegeben am sonnabenth noch Michaelis anno domini ꝛ. LXXVIII. jare.

Burgermeister und ratmanne zw Freybergk.

Den ersamen weyßin bergrichter und schopphen uff dem Schneberge ußern bßundern guten frunden.

20 76. (Wider den getzewg. — Beweißunge erteilt.)

1478 Oct. 4.

Nochdem Heinrich Kellner als eyn volmechtiger anwalt Ditterich Wertherß von Stolberg *fol. 35 (117<sup>b</sup>)*.  
sines vettern seczt widder den geczewg, den Nickel Pasca durch Heyneman nach geteiltem orteil vol-  
furt had, wy der sulchem orteil widderwertig und sulle sulchir teil noch ordenunge, gewonheit und  
herkomen der meynunge nicht verlustig wurden sey[n], Werther habe ouch von der reformacio nicht  
25 gewust, er gesteh ouch nicht, das Heyneman zu der zzeit schichtmeister gewest sey, und wy sine  
wort bloß sien sullen und nicht benennen, wer vor dreyen jaren dy gewerken und wi vil der gewest  
waren, das man ouch Werter billich dorczu vorbotet solt haben, mit forderm inhalde ꝛ. Dor-  
kegen setczt Nickel Pasca, wy sulch sein geczewg dem orteil <sup>a)</sup> und volstendig sey, mit langen  
schrifften ꝛ.

30 Spr. w. n. b. v. r. Ist Pasca erweisunge des, der zu der zzeit schichtmeister gewest ist, uß  
gerichte und gehegetem dinge erteilet, und Heyneman bekennet, als recht ist, das er ym sulch 32 teil  
in der Hangenden Clufft zu Allen Hilgen durch befehel der gewerken umbe ettliche hinderstelle und  
vorsessenn zubuße zugeschriben habe und ist zu der zzeit eyn vorordenter schich[t]meister derselben  
zceche gewest, so ist sein geczewg dem vorsprochen orteil noch krefftig und Pasca besteht dormith  
35 billich. Versigelt mit unser stad secret und gegeben am sontage Francisci anno domini ꝛ. LXXVIII<sup>o</sup>.

Burgermeister und rathmanne zu Friberg.

77. (Ap die alden richter unde scheppenn nicht sullen befraget werden.)

Nochdem Hans Kretczschmer in voller macht Nickel Gutteners urteil und rechts fraget, so *fol. 35 (118)*.  
Schewczliche dy gerugliche gewere mit richter und scheppen zu erkunden in der nehist geschenen

40 75. b) so — tag AB. so lange er sich beruhmet *Abschr.* c) Vorsigelt bis zum Schluß fehlt AB.

76. a) Zu ergänzen ist etwa gemessig.